

欽定大清會典事例

欽定大清會典事例卷四百十七

禮部

祭統

恭請

神牌

執事侍儀

祭告

恭請

神牌。○順治四年定。恭奉

太廟

神牌。用大學士尚書都統。○五年四月。以恭修

太廟。遣官祇告。恭奉

神牌。暫安

後殿。六月

太廟工成遣官祇告奉安

神位於

正殿。○康熙九年題准

太廟恭奉

神牌。

後殿用覺羅官。

前殿用侍衛。○十八年改建

奉先殿恭奉

列祖

列后神牌。暫安

太廟遣官祇告

太廟。○二十年。

奉先殿工竣遣官祇告

太廟恭奉

列祖

列后神牌還御。○雍正十一年奏准餐

太廟奉

神牌照

奉先殿用內務府官之例用太常寺官。○乾隆元年奏

准各

壇

廟祭祀均於質明行事。向來太常寺官。於曉鐘時即請神牌安設。俟

皇帝駕至行禮。嗣後祭

天

地

祈穀。俟

齋宮鳴鐘時請

神牌。各祭於

皇帝降輿時請

神牌。

皇帝駕至。均於幄次內恭候奉安。

神位畢。太常寺堂官奏請行禮。○又奏准繕修。

奉先殿擇吉恭請。

列祖。

列后神牌於黃輿。暫奉安於。

太廟中殿寢室。自興工以至告成。

奉先殿朔望暫停祭饗。每月薦新。掌儀司官詣。

太廟薦獻。遇時饗。仍請。

太廟神牌至。

前殿照常行禮。俟工竣恭請

神牌還御

奉先殿安奉。○又議准

奉先殿興工吉期。遣官祇告畢。鑿儀衛豫設黃輿五於奉先殿前殿丹陛上。均南嚮序列。屆期內務府總管率

屬詣

後殿上香。行一跪三叩禮。各恭奉

列聖

列后神牌。至

前殿丹陛上。謹奉安於黃輿內。一跪三叩。退校尉昇輿。

與前各列

御仗一對。禮部太常寺官各二人前導。內務府堂屬執事各官均隨行。由

奉先門

協和門

午門

端門各中門出。至

太廟由中門入。至丹陛上北嚮序列。內務府官各詣與前一跪三叩。恭奉

神牌至



太廟中殿寢室內。依次奉安於

太廟各

神牌後。上香。一跪三叩。退。自興工。以及告成。均照前儀

於

太廟薦獻祭饗。俟工竣後。仍請

神牌還御

奉先殿。○二年。

奉先殿工竣。由

太廟中殿。恭請

奉先殿安奉

列聖

列后神牌。還御

奉先殿

高宗純皇帝親詣致祭。先期。開列王貝勒貝子等。奏請  
欽點十四人恭奉

神牌。屆期。內務府官於

奉先殿照大饗禮陳設祭品。鑾儀衛官豫設黃輿五於  
太廟丹陛上。均南嚮。至時。請

神牌官詣

太廟中殿各寢室前行一跪三叩禮。恭奉

奉先殿

神牌。禮部太常寺官前導。由中路至丹陛。各安奉黃輿  
內。行一跪三叩禮。退校尉昇輿。

御仗五對。禮部太常寺官十人前引。由中門出。進  
端門。

午門中門由

協和門出。

神牌黃輿至

午門。禮部堂官奏請

高宗純皇帝御袞服乘輿出宮。至

景運門外降輿。率諸王貝勒貝子公暨陪祀之內  
大臣侍衛內務府官咸補服。在  
誠肅門外西旁東嚮立。恭候

神牌黃輿至。

高宗純皇帝率諸王以下跪候過。前引大臣十人。贊引  
太常寺卿二人恭導。

高宗純皇帝隨後行。

神牌黃輿由

奉先門中門入。升中階至丹陛上北嚮。贊引官恭導  
高宗純皇帝由左門入。太常寺官引恭奉

神牌之王等由東西門入。掌儀司官引陪祀內大臣侍衛由東西角門入。俟校尉退。司拜褥官布拜褥於丹陛上。贊引官恭導。

高宗純皇帝升東階。至。

神牌黃輿前正中。行一跪三拜禮。王等由東西階至丹陛上隨行禮。

高宗純皇帝率王等就。

神牌黃輿前跪。恭奉。

太祖神牌。諸王恭奉。

列聖。

列后神牌。興由殿中門入。安奉於各

寶座。司拜褥官布拜褥於香案前。

高宗純皇帝行一跪三拜禮。王等咸隨行禮。禮畢。王等退出殿外。至丹陛上各就班序立。司拜褥官布

拜褥。

高宗純皇帝就拜位行禮。與朔望同。禮成。俟樂闋。

高宗純皇帝詣

太祖香案前。行一跪三拜禮。王等亦各詣

列聖

列后香案前。隨行禮。各恭奉。

神牌由穿堂中路進至

後殿依次奉安於各

寢室。

高宗純皇帝率王等詣各香案前上香。就拜位。行一跪

三拜禮。贊引官恭導

高宗純皇帝由殿左門出。自

奉先殿東出

奉先門左門。至

誠肅門外升輿還宮。○七年奏准。向例各

壇

廟供奉

神牌。每月朔望。奉祀官詣

殿上香。嗣後凡

天壇

祈穀壇

地壇

太廟。每月朔望前一日。仍令看守各官啟

殿拂拭

神帳。屆期。太常寺堂官各一人上香行禮。以昭誠敬。其

餘均令奉祀官行禮。○十四年奏准。祭日請送



神牌。向用太常寺官恭奉。嗣後請令禮部尚書一人上香行禮。其恭奉

神牌。仍用太常寺官。

太廟神牌。用宗室覺羅官恭奉。其上行禮。令宗人府王公暨朔望上香之王公內。每祭以二人將事。  
○又議准。

太廟中殿

列聖神龕寶牀。恭照

奉先殿式。敬謹修造。俟造成。謹擇吉恭請

神牌暫奉

前殿以便安裝工竣仍請

神牌還御。○十六年奏准

太廟中殿

列聖神龕寶牀。敬謹造成。照例遣官一人於

中殿行祇告禮恭請

神牌暫奉

前殿朔望上香之王公二人分詣

神牌前上香行禮。宗室官恭奉

列聖

列后神牌。王公禮部太常寺堂屬官前導。由中路行至

前殿安奉於各黃幄內。上香。行三跪九叩禮。退。每日即於黃幄前上香。其祇告事宜。由太常寺奏辦。祝文由翰林院撰擬。黃幄由工部豫備。○是年。

太廟中殿神龕寶牀安裝工竣。恭請

神牌還御

中殿遣官祇告。並王公上香。宗室官恭奉

神牌。均如恭請

神牌暫奉

前殿儀禮成

高宗純皇帝親詣上香行禮。○三十八年。

太廟

神牌字色加飾。前期工部太常寺官敬除

太廟潔室。設黃案。供備如儀。屆日遣官告祭

太廟中殿後殿祭畢。禮部堂官恭詣

列祖

列后神牌前。上香。行三跪九叩禮。宗室覺羅官恭奉

神牌。禮部太常寺堂司官前導如儀。至

太廟潔室。依次奉安於黃案

寶座上。行一跪三叩禮。禮部堂官上香。行三跪九叩禮

退。工部太常寺堂官上香。行三跪九叩禮。敬視

修理漆飾既竣。滿漢大學士各一人。上香。行三  
跪九叩禮。恭視工部官增飾。

神牌題字。諷吉恭請。

神牌還御。及遣官告祭均如儀。○嘉慶六年

諭。

天

地壇大祀。由太常寺衙門同禮部堂官恭奉。

神牌。敬安龍亭。請至

壇上。禮成。

復御。典禮綦嚴。所有昇亭校尉及督率官員。理宜整肅。

威儀用昭誠敬。乃日久疏懈。鑿儀衛昇亭人役。或間有不用正身校尉。所派官役稀少。不敷照應。殊非敬慎嚴肅之道。嗣後恭遇

大祀。著鑿儀衛揀派熟習擡昇正身校尉。並添派職官四員。頭役六名。小心照料。其官員職名及校尉花名。均先期咨送禮部太常寺。嚴加查覈。○十四年奉旨。四月初九日。諏吉恭修

皇穹宇

皇乾殿內供奉

皇考高宗純皇帝神牌。著派儀親王永璇。成親王永理。

前往敬謹行禮。至恭請

神牌。該衙門未經聲明請派何員。此次著儀親王永璇  
成親王永理分詣

皇穹宇

皇乾殿於行禮後敬請

皇考高宗純皇帝神牌安奉

龍亭。至

神庫供奉。照例行禮。俟恭修告竣。仍著儀親王永璇  
成親王永理恭請還奉

皇穹宇

皇乾殿嗣後遇有敬修

神牌之事。即著派出行禮之王大臣恭請。用昭誠敬。著為令。○同治十二年奏准恭修

皇祇室移請

神牌安奉

神庫。至工竣後

神牌還御。均照向例用太常寺官恭奉。

執事侍儀。○順治八年定。凡

親祭

壇



廟恭接福胙。均用侍衛。○十六年定。凡恭奉福胙。均用禮部官。○康熙十年題准。每饗

太廟。

後殿獻爵。用覺羅官。

親詣致祭。

前殿獻爵。接福胙。用侍衛。餘執事用太常寺官。其郊壇及中祀各

壇廟。

皇帝親祭。接福胙。均用侍衛。餘執事用太常寺滿漢官。○又題准。凡祭各

壇

廟

親詣行禮。用光祿寺堂官恭奉福胙。○雍正五年奉  
旨。嗣後大祭祀。太常寺官有不敷用。移取鴻臚寺官。○

七年

諭。聞祭祀之先。太常寺即於

壇

廟中演禮。雖義取嫻熟禮儀。實非潔齊嚴肅之道。嗣後  
應於何處演禮。著禮部議奏。欽此。遵

旨議定。向來各祭祀。皆於前二日赴

天壇凝禧殿演禮。前期一日。復至各

壇

廟中演禮。嗣後應令執事等官。均以前二日演禮於凝

禧殿。停其前一日赴

壇

廟演禮。○十一年奏准。向例

太廟獻爵。用侍衛。獻帛。用太常寺官。嗣後照

奉先殿制。饗

太廟獻帛爵。均用侍衛。○乾隆元年議准。

太廟奠帛獻爵。用宗室侍衛四十人。宗室將軍官員二

十人。分班奠帛獻爵。○三年奏准奠帛獻爵。增宗室將軍六人。○九年議准。

太廟後殿獻爵。用覺羅官二十四人。○十年奏准朔望太廟上香。

欽點王貝勒貝子公專司其事。○又奏准。

太廟後殿增覺羅奠帛官八人。○十四年。

諭稽古虞書秩宗典三禮。周官宗伯掌邦禮。而首以吉禮事邦國之鬼神。示春官典祀。職奠重馬。乃者

郊壇

宗廟。以太常為專司。而禮部堂官不莅其事。非古也。治

神人和上下。敬服乃職。其所有事者何在。大學士會同該部並會典館總裁官詳議以聞。欽此。遵。

旨議定。

兩郊大祀。

皇帝先期躬省。

壇位。

親閱籩豆。禮部尚書侍郎皆陪從。侍儀視牲。省牲仍照例題請。

宗廟。

社稷。

日

月

先農各壇

歷代帝王廟

先師孔子廟。前期省牲。及祭日視陳簋簋籩豆。均以

禮部堂官一人。敬率太常卿等將事。以昭嚴恪。

再

壇

廟內

躬親對越之地。並用禮部堂官二人。都察院堂官二

人分立東西侍儀以隆體制。其陪祀王公百官行禮處監禮仍用御史禮部司官。○三十九年

諭祭祀

前殿用獻爵人二十員。多取五人備用。祭祀

後殿用獻爵人十幾員。多取三員備用。不可缺外多挑取其正缺應用幾人。備用應取幾人之處。著宗人府定議具奏。欽此。遵

旨議准。宗室獻爵定二十五缺。覺羅獻爵定十五缺。○

嘉慶四年奏准。奠帛獻爵。增宗室將軍五人。○

十五年

論

壇

廟大典。其陪祀及執事之王公文武大員。於穿孝期內。或仍當差。或竟行停止。未能盡一。著大學士會同禮部悉心妥議章程具奏。欽此。遵

旨議定。嗣後各官遇有期服以上者。俱應准其兩月不與祭。其大功小功總麻仍照舊例。並令太常寺及各衙門執事官陪祀官侍儀監禮前引後扈各官及查

壇



廟之王大臣。一體遵照辦理。以重祀典而符體制。其不

上

壇入

殿之隨扈官員。仍照常當差。○又奉

旨。此後恭遇

郊壇大典。即不上

壇入

殿之員。其持服未滿二十七箇月者。亦一體不穿朝服。

毋庸扈從前往。止穿蟒袍補服迎送。○二十五年奉

旨。御前乾清門大臣侍衛等。有二十七箇月服制者。百

日後恭值

郊壇大祀祭前一日。著仍穿蟒袍補服。隨至齋宮護衛直宿。祭日。著穿常服。各在上馬處祇候。禮成後再一體扈從。其滿漢各員。有期服及大功以下者。不與祭日期。仍照舊例行。○道光六年奉

旨。向來恭遇

圓丘

禘祭

祈穀大祀。太常寺執事人員。屆期移取內務府貂褂三十四件。以補裏事服用。祭畢。仍行交還。茲據松筠等

奏現在執事等官計有五十餘員。或服貂褂。或穿補服。未能畫一。嗣後除該寺堂官應服貂褂外。其餘執事官員俱著一律穿用補服。毋庸移取貂褂。○咸豐

三年

諭

天壇大祀鉅典攸關。凡陪祀之王公大臣以及執事各員。均應整齊嚴肅。嘉慶八年。欽奉

諭旨。諸王以下及滿漢頭品大臣。年在六十五以上者。准其坐轎至二層門外。此外頭品年未六十五以上及二品大員。均不准坐轎進頭層門。以崇體制。等因。

欽此。煌煌

聖訓允宜永遠懋遵。乃近來執事大小各員。往往不遵舊制。任意出入。殊非恪恭將事之道。著申諭各衙門。嗣後

郊壇大祀。均應遵照嘉慶年間

諭旨。並著稽查

壇

廟王大臣並稽查

壇門

壇牆各大臣等。一體認真查察。如有不遵定制之員。即

行嚴各。其僕從跟役擁擠喧譁及閒雜人等闖入者。  
一併查拏懲辦。

祭告。

登極。

授

受大典上

尊號

徽號加上

徽號

皇太后聖壽大慶。

萬壽聖節大慶。

冊立

皇太子。均先期遣官祇告

天

地

太廟

社稷並致祭

嶽鎮海瀆

歷代帝王陵寢。

先師闕里。

大婚。

册立

皇后。先期祇告

天

地

太廟。尊封

太妃。

册封

皇貴妃

貴妃

妃

嬪祇告

太廟後殿

奉先殿

升祔

太廟

配饗

郊壇遣官祇告

天

地



太廟

社稷並致祭

歷代帝王陵寢

先師闕里○追上

尊諡

廟號加上

尊諡奉移

梓宮建造

陵寢奉安

地宮遣官祇告

天

地

太廟後殿

奉先殿

社稷並致祭

陵寢

几筵

后土

陵山○

親征

命將。遣官祇告

天

地

太廟

社稷

太歲

火礮

道路之神。大軍凱旋。平定邊徼。並祇告

奉先殿致祭

陵寢。釋奠於

先師致祭

嶽鎮海瀆

歷代帝王陵寢

先師闕里○

皇帝展謁

陵寢及

巡狩方嶽均祇告

奉先殿

回鑾至京同○

皇帝巡幸所至

親祭方嶽未至之地

特命督撫就近遴委大員徧祭

嶽鎮海瀆所過

名山大川分遣筆帖式由京齋送祭文香帛

帝王陵寢

先聖先賢忠烈暨名臣祠墓在三十里以內者均遣

官致祭

詳見  
巡幸事例

○凡歲暮禘祭功臣配

廟皆先期祇告

太廟中殿後殿

躬耕藉田祇告

奉先殿

皇帝御經筵祇告

奉先殿

傳心殿。凡修建

郊壇

太廟

奉先殿

宮殿。

御新宮均遣官祇告

天

地

太廟

社稷興工破土安礮石合龍安門均遣官致祭

后土

司工之神迎叻祭

琉璃窯神並經過之

壇

廟正門

皇城

紫禁城各門如修建

嶽鎮海瀆及諸神廟宇。

特頒御書。並遣官懸扁致祭。○凡歲旱祈雨。遣官祇告。

天神

地祇

太歲。越七日祭告。

社稷壇。三復不雨。乃行。

大雩禮。○凡祭告祝文。均由翰林院撰擬。香帛祭品。由

太常寺承辦。遣祭外省應用祭品。由所在地方

官敬謹辦理。惟告祭



奉先殿太常寺會同內務府辦理

嶽鎮海瀆

帝王陵寢

先師闕里均由部開列承祭官職名恭候

欽命兵部給予勘合各給

欽差牌

御仗龍旗黃纛欽天監選擇吉日屆期陳祭文香

帛於

中和殿恭請

皇帝親閱遣行如不

親閱。本部堂官謹閱祭文香帛。實封陳於本部堂上。  
堂官一人具朝服。祇授承祭官。交筆帖式齋奉  
前往。

欽定大清會典事例卷四百十八

禮部

大祀

南郊大祀

南郊大祀。崇德元年。

太宗文皇帝親祀

天於

南郊。

諭古帝王當未知火食之前。即行祭禮。用生牢致饗。後

世特踵而行之。未之有易耳。况

上天之胙。分給衆官。令各於其家饗之。是反汙褻也。可

熟而薦之。於是定制祭

天用太牢。熟薦。○是年冬至大祀

天於

圓丘。○順治元年七月癸巳

世祖章皇帝以定鼎燕京。遣官告祭

上帝。○十月乙卯朔

親祀京師

南郊告祭

天

地

即皇帝位。是日黎明。

大駕出宮。親王以下文武百官從。鹵簿前導。不奏樂出。

大清門詣

圓丘。禮官恭導贊引如儀。乃迎。

神。三上香畢。

世祖章皇帝行四跪四拜禮。羣臣隨行禮。奠玉帛獻爵。

祝曰。大清國皇帝臣。敢昭告於

皇天。

后土。

帝鑒無私。春隆有德。我

皇祖寵膺

天命肇造東土。建立丕基。及我

皇考開國承家。恢宏大業。臣以眇躬。續承鴻緒。值明祚將終。姦雄遽起。以致生靈塗炭。後望來蘇。臣欽承

祖宗功德。倚任親賢。爰整六師。救民水火。埽除暴虐。撫輯黎元。內外同心。大勳克集。因茲定鼎燕京。以綏中國。臣工衆庶。僉云

神助不可違。輿情不可負。宜登大位。表正萬邦。臣祇荷天眷。以順民情。於本年十月初一日。吉

天即位。仍用大清國號。順治紀元。率由初制。伏維

天

地佑助。早靖禍亂。載戢干戈。九州悉平。登進仁壽。俾我  
大清皇圖永固。為此祈禱。伏惟

歆饗。謹告。讀畢。

世祖章皇帝率羣臣行一拜禮。亞獻終獻徹饌送  
神皆如儀。

世祖章皇帝復率羣臣行四跪四拜禮。望燎灌奠如儀。  
九奏樂章。改和為平。○又定。每歲冬至日。大祀

天於

圓丘以

大明

夜明

星辰

雲雨風雷從祀。○是年冬至。大祀

天於

圓丘

親詣行禮。冬至前三日。以將行

親郊。祭告

太廟。是日。禮部太常寺官設齋戒。銅人於

武英殿正中。越二日。奉三亭於



武英殿儲祝版祭帛香燭金鑪祝版上書

御名送至

圓丘正祭日禮部尚書奉

皇天上帝神牌於龍亭內奉安

郊壇第一成正位奉安

從祀四神牌於第二成

世祖章皇帝親詣行禮禮成還宮告

太廟。○二年定

郊祀齋戒及設玉帛祝文香亭禮節。○三年設守視

天壇

地壇

社稷壇官員。○四年奏祀

南北郊及

社稷壇俱用生宰。惟

南郊進胙牛一奉

旨。如朕親祀則照例進胙牛。遣官則止。○十二年

諭禮部

郊祀大典朕自即位以來必誠必敬。間遣官恭代亦必

如禮致齋。今十一月二十五日冬至祀

天。已於十九日遣官恭代。但因駐蹕南苑致齋日期爾

部未經題明。內院諸臣亦未奏知。偶失記憶。忽然猛省。不勝悚惕。朕為

天之子。昭事當虔。既有疏忽。何敢自隱。即選擇吉日。祇申祭告。爾部奏行。○十四年

諭

南郊祀

天禮宜嚴重。其前祀五日。朕親詣視牲。祀前一日。朕親宿齋宮。如遣官恭代。亦著詣

壇齋宿視牲。永著為令。○又定修理

天壇

神牌遣太常寺卿一人赴

神位前上香。行一跪三叩禮。恭奉

神牌於

神庫內修理。告成之日。仍恭奉

神牌至原位奉安。畢。行一跪三叩禮退。○康熙三年

諭。冬至

四從壇分獻。向來遣副都統侍郎不合。應以都統尚書一品大臣分獻。○十二年奏准。神樂觀內大殿內。所懸太和殿三字扁額。改為凝禧殿。○四十六年冬至大祀。

天於

圓丘

諭

郊祀大典。諸臣以天時嚴寒。請朕勿親詣行禮。朕身體  
強健。步履安和。毫不知倦。若果稍有患苦。即遣皇太  
子或大臣代行典禮。何不可之有。今身既無恙。可欺  
妄乎。况年齒漸增。正欲乘未老之時。躬親行禮耳。  
五十年冬至大祀

天於

圓丘

諭朕躬安好如常。必親祭方展誠心。朕今年已六十。行禮時。兩旁人少為扶掖亦可。○五十四年冬至。大祀天於

圓丘用

御定雅樂。○五十七年冬至。大祀

天於

圓丘。遣官恭代。

諭十一月冬至祀

天。明日即應齋戒。朕因足乏力。來至湯泉。身雖在此。瞻

望

郊壇不能釋懷。爾等傳諭太常寺。令將齋戒銅人。照常送至乾清門。朕在此照常齋戒。其祭祀人員齋戒。務令恭敬。○五十八年

諭祭祀

天壇朕雖年邁。必欲親詣於祭前。升

壇瞻仰。省視俎豆。量力跪拜。退處帷中。俟恭代親王行禮畢。然後回鑾。將朕親詣之意。於祝文內序明。○雍正二年奏准

天壇大祀

上帝位前金鑪一。幄前門鑪二。

配位前金鑪各一。應於各鑪上設蓋。祀時委太常寺官各一人恭候。

皇帝上香後。即行安蓋。其鑪蓋行工部製造。○八年諭。朕自御極以來。每值

圓丘大祀。必親詣行禮。至誠至敬。以展對越上帝之悃忱。今年冬至之日。恭遇

皇考聖祖仁皇帝忌辰。禮部太常寺引康熙三十九年及四十五年正月初七日祭

祈穀壇恭遇

世祖章皇帝忌辰。遣官恭代之例。奏稱今年



郊祀之期。應照此例遣官恭代。朕為此五中輟轉。今年不親行。

郊祀之禮。於心甚為不安。其如何得展。朕心而又符合典則。著大學士九卿。敬謹妥議具奏。欽此。遵

旨。謹議。記稱君子之祭。必身親莅之。有不能親。則使人

攝可也。周禮春官亦稱大祭祀。若王不親。則攝

祀。唐宋之制。大祀與國忌同日者。樂備而不作。

然議者謂饗神不可無樂。未若攝祀之當乎。禮

也。應仍遣官恭代。以展明禋。○乾隆七年奏准。

郊祀典禮最鉅。是以歷代制度。車輦儀仗。備列尊崇。所

以肅典祀而重禮制也。周禮祀天用玉輅。晉宋以後並皆遵循無異。唐宋參用大輦。或乘輦自齋宮赴壇。或祀畢御輦還宮。雖儀節間有不同。皆乘輦輅。應加參定。凡遇

親祀

南郊前期詣

齋宮以

御玉輦為宜。○又定

躬詣

南郊禮節。鑿儀衛鑿儀使率屬陳

大駕鹵簿於

午門外奉輦官進玉輦於

太和門階下祇候。已刻太常寺堂官恭請

皇帝乘禮輿出

太和門降輿升輦。鑾儀衛鑾儀使跪奏請發

鑾駕。

駕發警蹕。

午門鳴鐘鼓。翊衛諸臣照例於應乘馬處乘馬。左

右傍輦從行至

南郊於

昭亨門外降輦。贊引官二人恭導。

皇帝由

昭亨門左門入詣

圓丘視

壇位分獻官分詣

神庫視邊豆。

神廚視牲宰畢。贊引官二人恭導。

皇帝出內壇南左門。外壇南左門至。

神路西升輦詣

齋宮。

如乘禮典則輩並陳

從祀官蟒袍補服。按左右翼立。

齋宮外候

皇帝降輦升禮輿入乃退各歸齋所是夜嚴更宿衛

警蹕環巡次日太常寺堂官按時請

駕來禮輿出

齋宮升輦至

神路西降輦入更衣幄次俟安奉

神位畢

皇帝具禮服出幄次贊引官二人恭導詣

壇行禮祀禮既成

皇帝入幄次更衣畢出

昭亨門升輦。

是年奉大祀禮畢還宮

俱來禮興

旨嗣後凡至

至

太和門鑿儀使奏請降輦升禮輿還宮。○又奏准

大祀

圓丘

祈穀

方澤供設鑪登邊豆均於

駕未至前陳設。惟進俎俟典儀官於獻玉帛之後唱

進俎。庖人始於壇下昇進。香鑪登几亦須移於

兩旁。俟沃湯畢始安復原位。倉卒間豈能必其

端正。且進俎九十餘人環繞壇上。未免進退不

齊嗣後大祀

圓丘

祈穀

方澤所進之俎亦如籩豆。豫先陳設。其獻玉帛後。典儀

官唱進俎。止須執湯壺。官進前沃俎。贊引官恭  
導

皇帝詣

神位前拱舉進俎。毋庸庖人臨時昇進。具香鑪。鐙几亦

省移請之煩。又奏准向例大祀

天

地

祈穀如

皇帝親詣行禮迎

神樂作

皇帝詣各

神位前上香。復位後。東西兩門鑪司香官。始行點香安

鑪蓋。嗣後照各

壇

廟於請

神位時。兩門鑪。豫為點香熏壇。其安設鑪蓋。照時饗



太廟例。點香畢。隨安鑪蓋。○又

諭禮部奏稱。冬至前一日。視祝版。常例御補服。今恭遇皇太后聖誕。值穿吉服日期。視祝版詣齋宮。皆應御龍袍。袞服等語。朕思乘輦前往齋宮。鹵簿全設。大禮所關。自應御龍袍。袞服。嗣後若遇豫日。應詣齋宮齋宿之祭。其視祝版詣齋宮。皆應御龍袍。袞服。隨從人等皆穿吉服。永著為令。○十二年

諭朕惟致敬

郊壇宜從典制。乃者朕於大祀前期一日。恭詣壇位。躬親省視。展潔告虔。良云周備。惟是

神主向藏

皇穹宇

皇祇室

皇乾殿考之唐開元禮先期升主陳設省視復收朕思  
因省視而陳設

神主有違神道靜穆之意未協寅恭嚴事之誠應於躬  
省

皇穹宇

皇祇室

皇乾殿上香行禮分獻官詣

配殿行禮。肅將悃忱。以伸對越。但事屬創舉。著大學士會同該部詳細定議。並恭詣

壇位後親視。籩豆之處。具儀以聞。欽此。遵

旨謹議。

皇帝御

齋宮日詣

皇穹宇

皇祇室

皇乾殿內上香。次詣

壇視

壇位又次

閱籩豆畢詣

齋宮其恭詣

神庫閱籩豆之處太常寺前期恭行請

旨如奉

旨親詣前期一日太常寺進

親詣禮節如奉

旨遣官太常寺照例具奏請

旨遣官恭視○十三年

諭向來

郊壇大祀。凡遇遣官恭代之日。大學士等均不齋戒陪祀。蓋因會典開載定例。有武官公以下。輕車都尉以上。文官尚書以下。員外郎品級以上之語。是以親王及內大臣。大學士等。咸不陪祀。朕思王等天潢近派。原與臣僚不同。自當隨駕前往。內大臣等職司環衛。若專顧陪祀。則禁直必至曠誤。惟親行扈從。亦為合宜。若大學士乃政府之臣。為百僚表率。尤當敬謹齋宿。以為衆倡。何以轉不陪祀。揆厥由來。蓋緣明代大學士僅列五品。在尚書以下。文官以尚書為冠。則大學士等已在其中。至我朝雍正年間。大學士既定為

一品在尚書之上。則所稱尚書以下。應改為大學士以下。嗣後一切祭祀。大學士等均令齋戒陪祀。將此載入會典。十四年

諭朕於

兩郊大祀。先御齋宮。以齊一思慮。記曰。齋者耳不聽樂。孔子曰。三日齋。一日用之。猶恐不敬。二日伐鼓。何居。言不敢散其志也。今齋宮宵漏下。鳴畫角。嚴鼓。以為節。雖異於宮懸合奏。而吹角鼓擊。軍中之容。豈所謂專致其精明者與。此蓋相沿前明弊典。未更。後此嚴更鼓角。不當用之。齋次。大學士其會同該部定議。以

聞欽此遵

旨議定。齋戒以交神明。防外聲之感。乃以肅內心之敬。鼓本樂器。而用兼施於軍。角為軍樂。而後遂設於鹵簿。齋壇之夕。嚴更鼓。吹畫角。其義誠無所取。嗣後

齋宮吹角。嚴鼓悉行停止。以昭肅穆。○又議准

兩郊壇宇。歲修向有著令。而金碧采章。或日久不鮮。階級輒覺。間有損闕。堊赤間有漫漶。均應敬謹修理。俾可經閱久遠。其

壇內供器用物。亦遵定制。增飾見新。再興工前期。恭請

神牌於別殿安奉。

天壇大饗殿。地處尊嚴。應於繕修。

皇穹宇時恭請。

皇天上帝神牌。

列聖神牌於殿內安奉。兩廡安設。

從壇神牌。俟工竣後。乃節修。

皇乾殿。又

諭。

圓丘張幄次。及陳器品處過窄。既議鼎新。可將

圓丘三成臺面。仍九五之數。量加展寬。則職事者得以



從容進退。益昭誠敬。爾等詳議具奏。欽此。遵

旨議定。

圓丘舊制。照明官司尺。一成徑廣五丈零九寸。當九五之數。稍涉牽合。而三成用十二丈。則於奇義無取。今照律呂正義所載古尺制度。一成面徑九丈。為一九。二成面徑十五丈。為三五。三成面徑二十一丈。為三七。則天數一三五七九。於此而全。合三成徑數。共四十五丈。昭合九五之義。帷次亦可加展廣深。陳設器物。職事人員。咸得從容進退。以昭誠敬。其壇面甄塊。原制上成係圓

面九重。二成係七重。三成係五重。雖均按奇數取義。而各成遞減。數目未免參差。今壇面既加展寬。應均用九重。遞加環砌。一成自一九。遞至九九。二成自九十。至一百六十二。三成自一百七十一。至二百四十二。體制庶為整齊。惟金甌向例。不過方二尺餘。今每塊長闊至三尺五六寸。勢難用甌。應取用艾葉青色石。庶質性堅良。可以經久。至每成四陛之外。闌版圍繞。每成四面。一成每面十八扇。二成每面二十有七。三成每面四十有五。總計三百六十扇。亦與周天度。

數相符。以上三成臺面。並開版長闊高厚。階級  
廣深。均按古尺略加增減。悉與九數相合。以上  
應乾元之法象。○十五年奏准。

圓丘展寬。幄次亦應更新。

皇穹宇

皇乾殿內供奉

神龕內外帷幔。並供奉各案外帷。均應用青色織金龍  
緞。以符體制。

圓丘壇面既改用青石。其張設幄次所需柱木。即於壇  
面鑿眼安設。無事更用拴絆石鼓。致礙進退趨。

踏其

皇穹宇臺面前檐砌墁。舊制雜用石與琉璃。並照  
圓丘壇制。均用青白石鋪墁。以昭畫一。○又奏准  
圓丘內外墻牆。

皇穹宇門樓圍垣。向覆綠瓦。均改用青色琉璃。以符體  
制。又

皇穹宇扇面牆垣上。截舊飾青灰。並改用青色琉璃砌  
墁。○又奏准。

天壇內供奉

神龕寶座。一切器用。塗飾丹漆。並蓋袱等物。布帛色雜。

用青黃均照制禮從類辨色從方之義將

天壇陳設器物色皆用青。○又奏准。

郊壇陪祀官行禮雖有定位。但皆臨時設立版位。恐就列不免參差。難以整肅。嗣後仿

殿陛朝儀於行禮處安設品級拜石。按班就次。庶免隕越。其內壇門內東西陳設樂器。亦於地面立石。俾方位昭然。○又奏准。

天壇興工先於

祈穀壇經始。俟繕修完竣。乃節修

皇穹宇

圓丘。○又奏准。

圓丘

祈穀壇

方澤臺階上下陳設銅鼎。成式不一。體制亦應將舊鼎各按方圓改鑄。又舟以承尊。各壇所設尊案。

體制不齊。請

三壇正位設案一。可受一尊。

東配位共設一案。可受三尊。

西配位共設一案。可受二尊。以昭畫一。○又奏准。

南郊設請

神位龍亭十。以備祭祀時迎送之用。○十七年奏准修

理

園丘

皇穹宇擇吉興工。前期遣官祇告

天

地

太廟後殿

奉先殿

社稷屆期詣

皇穹宇。以奉請

神牌祇告

皇天上帝

列聖

從壇神位。禮部尚書率太常寺官恭奉各

神牌至

祈年殿敬謹安設。興工之日。各遣官祭

后土

司工之神。儀均與修理

祈穀壇禮同。十八年奏准。

南郊上竣。遣官祭



后土

司工之神擇吉恭請

神牌還御前期一日遣官祇告

天

地

太廟後殿

奉先殿

社稷至日恭詣

祈年殿奉請

神牌還御太常寺鑾儀衛官率校尉設龍亭於

祈年殿前。禮部尚書詣

殿內上香。行三跪九叩禮。畢。太常寺官詣各

神位前一跪三叩。恭請

神牌安奉各龍亭內。跪叩如初。拜亭依次行出

祈年門進

成貞門至

皇穹宇。恭奉

上帝神牌。

配位神牌。

從位神牌。奉安

皇穹宇。上香行禮如前。○三十五年

諭朕祇肅明禋。恭遇

郊壇大祀。竭誠致慎。向於致祭

圓丘。先期敬宿齋宮。必躬詣

神位前。升香展禮。其省視籩豆。臨期由禮臣請旨。或循

例遣官。或降旨親莅。而朕每親莅者多。今朕年屆六

旬。

郊祀大典。歲歲躬行。即將來晉表日高。仍當弗懈益虔。

惟是儀文品節之間。略宜折衷至當。可以永遠率由。

行之無斁。如先期赴

壇時。

神位前允宜躬親展謁。其省視邊豆。應按例專遣臣工莅事。不必更請旨。至赴

壇所經道路向由

昭亨門外降輦步入。第步履遙遠。當質明行事。轉恐失儀。嗣後應改由

廣利門入。於向時祭畢乘輦處降輦。○三十七年

諭朕御極以來夙夜孜孜惟以敬

天報本為念每屆

郊壇大祀必躬親昭事。用展誠悃。三十七年於茲未敢

稍懈向來詣

壇行禮日。由降輦進至拜位。以迄薦獻禮成。中間履蹈升降儀節。最為繁重。朕惟虔恪以臨。無有愆忽。今自念春秋已逾六旬。其於動容周旋。差不能及前此之從容中節。幸朕躬康彊如昔。仍得祇循儀度。經久不渝。第思敬意所持。貴乎內外交養。若精力過勞。恐心志轉未能純一。與其拘於行走末節。弗克致其寅恭。且或因此而憚於親詣。何如酌損步步陟繁文。得專於升馨告備時。肅將劼必。更足以嚴對越而抒誠素乎。自古履帝位而臻壽考者。載籍曾不多覩。我朝景運。

遐昌化成熙洽上荷

昊蒼鴻眷

列祖貽庥朕自周甲已逾勵勤未怠真可謂國家祥瑞之大者茲特降此旨非敢惜其勞惟期要之於久從此更增年歲當永矢此昭格之誠我世世子孫承庥衍慶即可奉此為法守且知朕六十歲以前不憚經曲之繁六十歲以後冀申專一之敬初無二致也所有升級次數及降輦步行之遠近無關大體諸儀節如何酌定合宜之處著大學士會同該部詳悉定議以聞欽此遵

旨議奏。

郊祀前一。

聖駕先期莅。

齋宮乘步輦入自。

西天門由。

齋宮南。

御禮轎至。

神道西降輿步入琉璃左門詣。

皇穹宇上香禮成仍於降輿處。

御禮轎還。

齋宮至

壇內閱視

壇位。即令原遣視牲之親王恭代行禮。祀日。聖駕自

齋宮乘輦行至

神道西階下。幄次相對處降輦。升階。由

樞星左門步。入禮成。仍於降輦處

御禮轎還宮。其行禮時

聖躬初升至二成拜位立。贊引奏升

壇。



聖躬升階上香畢還至二成拜位行迎

神禮典儀官唱奠玉帛

聖躬升階行奠玉帛禮還就讀祝位立以次進俎三獻

及飲福受胙禮成仍還至二成拜位行謝福昨

及送

神禮○三十八年奏准

天壇配幄

列祖神牌字色模糊理應敬謹次第修理恭查奉移

兩郊

神牌禮儀前期工部太常寺官潔除供奉祝版各

神庫設黃案供備如儀。屆日遣官告祭。

皇天上帝

皇地祇暨

列聖神位。祭畢太常寺備請。

神亭以次安設。至時禮部堂官恭詣各

神位前上香。行三跪九叩禮。太常寺官恭奉

神牌。奉安於各亭內。行一跪三叩禮。退校尉昇亭。行禮。

部太常寺堂司官前導如儀。至

神庫前亭止。太常寺官行一跪三叩禮。恭奉

神牌以次奉安於

神庫黃案

寶座上。禮部堂官上香。行三跪九叩禮。退。工部太常寺堂官上香。行三跪九叩禮。敬視。修理漆飾既竣。滿漢大學士各一人上香。行三跪九叩禮。恭視。工部官增飾。

神牌題字。仍諷吉恭請。

神牌還御。及遣官告祭。均如上儀。○三十九年

諭。朕臨御以來。恆以敬

天報本為要。不敢稍有怠惰。凡

壇

廟大祀必親詣行禮。自降輦以至禮成。必敬必誠。至三十七年。朕年逾六旬。始敕大學士及該部。將降輦步行之遠近及升降之無關鉅典者。酌減一二。蓋欲稍減步履之小節。蓄養精力。期於大典益致恪恭。亦因朕年逾六旬。始如此酌量節減。所以益矢誠敬也。萬世子孫。其敬識朕意。於諸大祀。設非年至六旬。一切典章。斷不可稍減。僕蒙

上天垂佑。年逾六旬。方可遵朕現在所行舉行。將此永著為例。○四十年

諭朕每遇

郊壇大祀必親詣行禮。歷四十年如一日。弗敢稍有懈弛。一切儀文典禮。悉本誠敬之心。仰期

昭格。凡諸升降拜獻。毋愆於儀。實有可以自信者。惟是行禮時。諸皇子向不在陪祀之列。無由知朕恪恭將事之忱。著於本年冬至。

南郊。令諸皇子在旁侍立。敬謹觀瞻。祀事既蒞。並令就壇位前。恭聞朕所進之爵。皆安奉端正。無稍偏敬。俾共體朕所以展精禋而答

鴻貺者。實在乎是。其敬承毋忽。○四十四年

諭朕自踐阼以來。恭遇

郊壇大祀。一切儀文典禮。悉本誠恪之心。敬謹將事。四十年如一日。越歲庚子。朕春秋已屆七旬。雖自信精力如舊。但迎

神進爵。儀典繁重。若各

壇位前。俱仍親詣。轉恐過疲生憊。於精意或有未孚。正位上香獻爵。朕必躬晉申虔。至

列祖

列宗。配位前上香。朕仍親致。其獻帛爵諸禮。著自今年南郊為始。令諸皇子代陳。○四十七年奉

旨。凡祭

壇行禮時。派出王大臣若係四人。著在門站立二人。壇內站立二人。一體管察。○五十一年

諭人君者

天之子。當以敬

天勤民為首務。方可以承

昊貺而迓

鴻庥。朕臨御五十一年。恭遇

郊壇大祀。無不祇肅躬親。冬至

南郊。親詣五十一次。上辛

祈穀。親詣四十九次。當臨祀時。一切儀文典禮。悉本誠

恪之心躬申虔敬以期

昭格。近來雖年逾古稀。壹志明禋。益勤無懈。是以仰蒙  
上蒼鑒朕忱悃。得有期頤之壽。精神強固。猶日孜孜。萬  
幾親理於

郊祀大典。俱能肅將裸獻。升降周旋。無愆於儀。緬惟  
上天如此篤眷。惟有益懋寅恭。朕世世子孫。續緒膺圖。  
若能以朕之心為心。無刻不以敬

天為念。自亦必仰邀

昊穹眷顧。錫以大年。實我大清億萬載無疆之庥也。向  
來致祭



郊壇於

壇之二成。設有幄次。以備拜跪行禮迎

神。上香進爵供胙。上

壇行禮畢。仍回降至拜次。嗣因朕年屆六旬。將亞獻終獻飲福受胙諸儀。改於

壇上讀祝。位次行禮。以節登降之勞。仍不致或愆儀節。此朕因欲每次躬親祀事。是以稍從簡易。惟念將來朕春秋日高。恐步履或稍遜於前。意欲於

壇上讀祝拜位。添設小幄次一分。俟朕年至八旬。即於此內行禮。設遇風雪。沍寒。亦可稍資蔽禦。如果仰邀

天眷仍能精力如舊。至八旬而不衰。尚必照常行禮。所  
有添設幄次。原可備而不用。著軍機大臣會同工部  
太常寺敬謹詳勘。將應添幄次尺寸。比二成之幄次  
收小酌擬呈覽。再行備辦。欽此。遵

旨議奏。添設幄次較二成原有幄次收小。摺低燙樣繪  
圖恭呈

御覽得

旨後。交工部敬謹成造收存。交太常寺。俟屆大祀前期。  
將應否安設之處。請

旨遵行奉

旨添設拜次。著照二成原有拜次。面寬。樽小七尺。進深。樽小二尺。頂高。樽低一尺五寸。著用金黃色。餘依議。  
○嘉慶元年十一月冬至。

仁宗睿皇帝親祀

天於

圓丘前一日詣

齋宮。

駕至

昭亨門外降輦。

親詣

皇穹宇上香。次視

壇位。又次

闕。邊豆並牲牢畢。至

齋宮。祭日。

仁宗睿皇帝自

齋宮乘輦詣

壇。至外壇南門外

神路西降輦。由外壇南左門。內壇南左門入。升

壇行禮。

行禮儀節俱照乾隆二十七年以前舊例。禮畢出。

昭亨門左門。乘禮輿還宮。○六年

諭

天

地壇大祀由太常寺衙門同禮部堂官恭奉

神牌敬安龍亭請至

壇上禮成

復御典禮恭嚴所有昇亭校尉及督率官員理宜整肅

威儀用昭誠敬嗣後恭遇

大祀著鑿儀衛揀派熟習正身校尉並添職官四員頭

役六名小心照料其職名花名先期咨送禮部太常

寺嚴加查覈儻敢攙雜外人或人數不敷致有禮儀

不肅之處。即著該部寺據實參奏。○八年

諭。凡遇

天壇大祀。諸王以下及滿漢頭品大臣。年在六十五以上者。准其乘轎至二層門外。此外頭品。年未至六十五以上。及二品大員。均不准乘轎進頭層門。以崇體制。而昭畫一。○又

諭。凡遇躬祀

圓丘。前一日詣齋宮時。前引大臣侍衛及扈從之御前侍衛。乾清門侍衛等。俱著在石牌坊外下馬。次日祭畢。啟行。亦著在石牌坊外上馬。○九年。大祀

圓丘太常寺所進禮節。豫日恭請

仁宗睿皇帝由

昭亨門入。祭日禮成出

廣利門。餘與嘉慶元年禮節同。○十四年

諭朕昭事

上帝。肅將誠敬。凡值

郊壇大祀。一切典禮儀節。敬稽

皇考高宗純皇帝舊制。遵行。溯查乾隆元年至二十四

年

聖駕詣

壇均至

昭亨門外降輦。至乾隆二十五年。

皇考聖壽五旬。詣

壇時。係由北首外西天門進。

廣利門內降輦。蓋節步履之勞。正以壹精禋之格。迨三十七年之後。

聖壽已越六旬。始經欽奉

諭旨。將所有升級次數。及降輦步行遠近。無關大體諸儀節。交廷臣詳議。量從減省。今朕春秋甫屆五旬。一切登降儀文。並未稍覺繁重。惟從前



皇考既有由北首外西天門進

廣利門詣

壇成例。著該衙門敬謹詳查

皇考當日降輦之處。有無記載。如有。一定處所。即當遵照舊儀。如向無存記。著將

昭亨門外降輦後步行遠近及

廣利門內應於何處降輦。步行稍可節省。詳細相度繪圖具奏。候朕酌行。欽此。遵

旨議奏。

聖駕詣齋宮時。乘步輦進北首外圍

西天門進

廣利門至

壇之西南隅對樹林降輦處起至

南極星門左門止。共計五十丈較

昭亨門外降輦處至

南極星門左門八十三丈之處節省三十三丈恭擬

即在新設椽薦處降輦。及祀日禮成後請仍於

神路西階下鋪設椽薦處升輿。○十五年

諭恭遇

大祀致齋期內。理應虔潔。况

郊壇重地。尤當敬謹嚴肅。豈可容人在彼沽酒。致令滋事。嗣後每遇宿

壇之日。着管門官弁等嚴行稽察。毋令人攜酒入內。亦不准賣酒人入內。儻視為具文。一經覺察。究治不貸。十八年諭恭值

南郊大祀。朕先一日宿

壇。定例由宮內乘輦。陳設大駕鹵簿。禮儀明備。本年禁

十一月十五日之變。仰賴

上蒼垂佑。渠魁立殲。餘黨悉除。其豫東賊匪。派兵勦辦。連奏捷音。莫可計日蕩平。前曾於孟冬之朔。派儀親

王永璇告祭

天壇朕沐非常

昊既夙宵欽感尚未躬達悃忱茲於長至日恭祀  
圓丘肅陳祇謝虔願

恩慈敬當減損儀文用昭寅畏前一日詣  
壇不御輦由宮內詣

皇穹宇以至進齋宮俱乘紅杆八人轎大駕鹵簿毋庸  
陳設祭日禮成還宮設騎駕鹵簿奏導引樂著該衙  
門敬謹遵照豫備○二十年議准

南郊大祀豫日

聖駕詣

壇點香時。乘步輦進內

西天門。由

齋宮前往

三座門。至

南極星門外神路西階下海墁稍北。鋪設椽薦處降

輦。詣

皇穹宇點香。視

壇位畢。及祭日行禮禮成後。仍於降輦處升輿。○道光

四年

諭十一月初三日冬至大祀朕已降旨親詣行禮近因感寒初愈

郊壇典禮重大若勉強從事誠恐登降儀節稍愆轉不足以申誠敬著瑞親王綿忻敬謹齋戒恭代行禮○

十九年

天壇大祀一切經由道路均照嘉慶二十年成案

宣宗成皇帝於神路西階下海墁稍北金殿相對處降

輿升輿○咸豐八年

諭朕自上年秋間染患痲疾一載以來

郊壇大典未能躬詣每抱歉忱本年冬至

圓丘大祀業經降旨親詣行禮。茲據惠親王等合詞具奏。以朕體雖愈。步履尚未如常。登降拜跪恐多勉強。願請仍暫緩親詣。揆諸朕心實有難安。該王大臣等於召見時再三籲懇。因念

大禮攸關。設有愆儀。轉不足以昭誠敬。不得已勉從所請。所有本年冬至

大祀。著派恭親王奕訢恭代行禮。並著在禁城內齋宿。先期一日詣

壇內齋宿。朕仍在宮內敬謹致齋。十八日親詣

大高殿行禮。以嚴對越。○九年

諭本年冬至

天壇大祀業經降旨親詣行禮一切禮節並諭惠親王等妥議具奏旋經該王大臣等議請朕行三跪九拜禮後仍遣王恭代朕思屆時仍欲勉行全禮以昭誠敬是以未即降旨允准乃自上月下旬偶感風寒迄今雖已就痊而步履尚未如常茲復據惠親王等合詞籲懇請朕暫緩親行仍遣王恭代揆諸朕昭事之心實有難安惟念

大禮攸關設有愆儀轉不足以昭誠恪不得已勉從所請本年冬至



圓丘大祀著派恭親王奕訢恭代行禮。並著在紫禁城內齋宿。先期一日詣

壇內齋宿。朕即在宮內敬謹致齋。於二十八日仍親詣

天壇

皇穹宇行禮。以嚴對越。○同治十一年冬至大祀

天於

圓丘

穆宗毅皇帝親詣行禮。一切禮節均照舊例。○光緒十二年冬至。

大祀

天於

圓丘前一日。

皇帝詣

齋宮。乘步輦至

昭亨門外降輦。

親詣

皇穹宇。上香。次視

壇位。又次

閱籩豆。並牲牢畢。至

齋宮。祭日。

皇帝自

齋宮乘禮輿詣

壇。至降輿處降輿。贊引官對引官恭導。

皇帝至更衣幄次。少候。俟奉安。

神位畢。

皇帝由

樞星門東門升

壇行禮。

行禮儀節俱照舊例。

禮畢出。

昭亨門東門乘禮輿還宮。